



Broj: 16-12-16-4292-~~19~~<sup>17</sup> /17  
I. Sarajevo, 26.09. 2017. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 25. stav (1) tač. f) i g), i člana 70. st. (1), (2), (5) i (6) Zakona o javnim nabavkama ("Službeni glasnik BiH", broj 39/14), na preporuku Komisije II za provođenje postupka nabavke za potrebe Državne agencije za istrage i zaštitu u 2016. godini broj 16-12-16-4292/17 od 20.09.2017. godine, u postupku javne nabavke usluga fiksne telefonije za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### ODLUKU

o izboru najpovoljnijeg ponuđača za LOT 1, LOT 2, LOT 3 i LOT 4 u otvorenom postupku za dostavljanje ponuda za javnu nabavku usluga fiksne telefonije za potrebe Državne agencije za istrage i zaštitu

#### Član 1.

Prihvata se preporuka Komisije II za provođenje postupka nabavke za potrebe Državne agencije za istrage i zaštitu u 2017. godini broj 16-12-16-4292/17 od 20.09.2017. godine i ugovor u postupku javne nabavke usluga fiksne telefonije za potrebe Državne agencije za istrage i zaštitu, dodijeljuje i to za:

- LOT 1- Usluga fiksne telefonije u sjedištu Agencije u Istočnom Sarajevu, ponuđaču „Mtel“ a.d Banja Luka, ponuda broj 16-12-16-4292-4/17 od 03.08.2017. godine, za ponuđenu cijenu 121.498,20 KM bez uračunatog PDV-a;
- LOT 2 - Usluga fiksne telefonije van sjedišta Agencije u Istočnom Sarajevu, ponuđaču „Mtel“ a.d Banja Luka ponuda broj 16-12-16-4292-4/17 od 03.08.2017. godine, za ponuđenu cijenu 12.063,60 KM bez uračunatog PDV-a;
- LOT 3- Usluga fiksne telefonije u Banja Luci, ponuđaču „Mtel“ a.d Banja Luka, ponuda broj 16-12-16-4292-4/17 od 03.08.2017. godine, za ponuđenu cijenu 28.443,60 KM bez uračunatog PDV-a;
- LOT 4 - Usluga fiksne telefonije u Tuzli, ponuđaču „BH Telecom“ d.d. Sarajevo, ponuda broj 16-12-16-4292-6/17 od 03.08.2017. godine, za ponuđenu cijenu 24.876,00 KM bez uračunatog PDV-a.

#### Član 2.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

#### Član 3.

Za izvršenje ove odluke zadužuje se Sektor za materijalno-finansijske poslove, Državne agencije za istrage i zaštitu.

## Član 4.

Ova odluka stupa na snagu danom donošenja.

### O b r a z l o ž e n j e

Postupak javne nabavke usluga fiksne telefonije za potrebe Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-4292-1/17 od 03.07.2017. godine, putem otvorenog postupka, za koji je obavještenje o javnoj nabavci objavljeno na Portalu javnih nabavki broj 1161-1-2-485-3-42/17 od 11.07.2017. godine i u „Službenom glasniku BiH“ broj 51/17. Procijenjena vrijednost javne nabavke za period od tri godine je ukupno 249.900,00 KM bez uračunatog PDV-a, za šta su novčana sredstva predviđena u okviru budžetskih sredstava za 2017. godinu i Dokumenta okvirnog budžeta 2018.- 2020. godina. Predmet javne nabavke podijeljen je na lotove i to:

- LOT 1- Usluga fiksne telefonije u sjedištu Agencije u Istočnom Sarajevu, vrijednosti 139.700,00 KM bez uračunatog PDV-a;
- LOT 2 - Usluga fiksne telefonije van sjedišta Agencije u Istočnom Sarajevu, vrijednosti 14.300,00 KM bez uračunatog PDV-a;
- LOT 3- Usluga fiksne telefonije u Banja Luci, procijenjene vrijednosti 35.400,00 KM bez uračunatog PDV-a;
- LOT 4 - Usluga fiksne telefonije u Tuzli, procijenjene vrijednosti 28.800,00 KM bez uračunatog PDV-a;
- LOT 5 - Usluga fiksne telefonije u Mostaru, procijenjene vrijednosti 31.700,00 KM bez uračunatog PDV-a.

Komisija II za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-4292/17 od 20.09.2017. godine sa preporukom o izboru najpovoljnijeg ponuđača u postupku javne nabavke usluga fiksne telefonije za potrebe Agencije.

Obzirom da je tačkom 23. Tenderske dokumentacije navedeno da je rok za dostavljanje ponuda 03.08.2017. godine do 12,00 sati, te da se ponude dostavljaju u zatvorenoj koverti, Komisija je dana 03.08.2017. godine u 13,00 sati izvršila javno otvaranje ponuda prema datumu i vremenu prijema, numerišući kovertu. Javnom otvaranju ponuda prisustvovali su ovlašteni predstavnici ponuđača „Blicnet“ d.o.o. Banja Luka, „EuroproNET Bosnia“ d.o.o. Sarajevo i „Mtel“ a.d Banja Luka.

Blagovremeno je dostavljeno ukupno pet ponuda i to:

RB	Naziv ponuđača	LOT	Vrijednost ponude (bez PDV-a)
1.	„Mtel“ a.d Banja Luka	LOT 1	121.498,20 KM
		LOT 2	12.063,60 KM
		LOT 3	28.443,60 KM
2.	„Blicnet“ d.o.o. Banja Luka	LOT 3	16.056,00 KM
3.	„EuroproNET Bosnia“ d.o.o. Sarajevo	LOT 1	73.080,00 KM
		LOT 2	8.343,36 KM
		LOT 3	20.502,00 KM
		LOT 4	21.240,00 KM
		LOT 5	13.334,00 KM
4.	„BH Telecom“ d.d. Sarajevo	LOT 4	24.876,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je aktom broj 16-12-16-4292/17 od 07.08.2017. godine, od strane Sektora za operativnu podršku, tražila da na osnovu uvida u pristigle ponude ponuđača „Mtel“ a.d Banja Luka za LOT 1, LOT 2 i LOT 3, „Blicnet“ d.o.o. Banja Luka za LOT 3, „EuroproNET Bosnia“ d.o.o. Sarajevo za LOT 1, LOT 2, LOT 3, LOT 4 i LOT 5 i „BH Telecom“ d.d. Sarajevo za LOT 4, dostave stručno mišljenje u vezi postavljenih tehničkih uslova u Tenderskoj dokumentaciji. Sektor za operativnu podršku, Odsjek za informatiku, komunikacije i sigurnost informatičkih sistema aktom broj 16-10-16-4292/17 od 08.08.2017. godine, dostavio je stručno mišljenje, u kojem je navedeno da ponuđači „Mtel“ a.d Banja Luka i „BH Telecom“ d.d. Sarajevo, imaju fizičku liniju na lokacijama na kojima su dostavili ponude, dok ponuđači „Blicnet“ d.o.o. Banja Luka i „EuroproNET Bosnia“ d.o.o. Sarajevo nemaju fizičku liniju na lokacijama na kojim su dostavili ponude. Dalje, u aktu navode da Komisija od ponuđača „Blicnet“ d.o.o. Banja Luka i „EuroproNET Bosnia“ d.o.o. Sarajevo, traži dodatno pojašnjenje, na koji način namjeravaju ispuniti uslov tačke 9. Tenderske dokumentacije, ako trenutno nemaju fizičku liniju na lokacijama na kojima su dostavili ponude, obzirom da Agencija ne može ugroziti postojeću infrastrukturu i dozvoliti prokopavanje i postavljanje novih kablova.

Tačkom 9. Tenderske dokumentacije, propisano je da ponuđač koji učestvuje u otvorenom postupku javne nabavke pružanja usluga fiksne telefonije za potrebe Agencije mora ispuniti uslove iz tehničke specifikacije za navedene lotove i lokacije. U cilju veće dostupnosti usluga, te povećanja sigurnosti, potrebno je na niže navedenim lokacijama obezbijediti vezu za pružanje usluga fiksne telefonije isključivo *putem fizičke linije*.

Cijeneći stručno mišljenje Sektora za operativnu podršku, Odsjeka za informatiku, komunikacije i sigurnost informatičkih sistema, Komisija je od ponuđača „EuroproNET Bosnia“ d.o.o. Sarajevo i „Blicnet“ d.o.o. Banja Luka, tražila pojašnjenje ponuda i dokaze na koji način namjeravaju obezbijediti fizičku liniju za pružanje usluge fiksne telefonije za potrebe Agencije. Ponuđač „EuroproNET Bosnia“ d.o.o. Sarajevo aktom broj CEO-01-002-211/17 od 15.08.2017. godine, dostavio je pojašnjenje ponude, u kojem je naveo da posjeduju partnerske ugovore na navedenim lokacijama o iznajmljenim linijama, te da planiraju dovesti optički (fizički) link do naših priključaka putem internet protokola, odnosno sip protokola (voice over IP protokol). Dalje, navode da će ukoliko bude potrebno Komisiji dostaviti i izjave lokalnih operatera čiju infrastrukturu namjeravaju koristiti. Ponuđač „Blicnet“ d.o.o. Banja Luka aktom broj 5174/17 od 14.08.2017. godine, dostavio je pojašnjenje ponude, u kojem navodi da će se u cilju ispunjavanja uslova pružanja usluge fiksne telefonije putem fizičke linije realizacija servisa izvršiti optičkim kablom, priključkom na TK infrastrukturu u vlasništvu „Blicnet“ d.o.o. Banja Luka-a, koja je položena iz pravca Gradiške-sjedište Blicneta (Majke Jugovića 25, Banja Luka)- Kotor Varoš.

Komisija je aktom broj 16-12-16-16-4292-14/17 od 17.08.2017. godine od ponuđača „EuroproNET Bosnia“ d.o.o. Sarajevo, tražila dodatno pojašnjenje i izjave lokalnih operatera čiju infrastrukturu namjeravaju koristiti, a koji već posjeduju navedenu fizičku liniju;

- za Istočno Sarajevo - izjavu „Mtel“ a.d. Banja Luka,
- za Tuzlu- izjavu „BH Telecom“ d.d. Sarajevo,
- za Mostar- izjavu „HT Eronet“ d.d. Mostar i
- za Banja Luku- izjavu „Mtel“ a.d. Banja Luka.

Ponuđač „EuroproNET“ d.o.o. Sarajevo aktom broj CEO-01-002-228/17 od 11.09.2017. godine, dostavio je dodatno pojašnjenje, u kojem je navedeno da ponuđač „EuroproNET Bosnia“ d.o.o. Sarajevo, ne planira koristiti optičku infrastrukturu provajdera („Mtel“ a.d. Banja Luka, „HT Eronet“ d.d. Mostar i „BH Telecom“ d.d. Sarajevo), nego

drugih lokalnih provajdera sa kojima saraduju, a to su „Elta-kabel“ d.o.o. u Istočnom Sarajevu, „Mreža“ d.o.o. u Mostaru i „Telemach“ d.o.o. u Tuzli. U prilogu navedenog akta ponuđač „EuroproNET Bosnia“ d.o.o. Sarajevo je dostavio Potvrdu „Elta-kabel“ d.o.o. broj 494/17 od 22.08.2017. godine, Potvrdu ponuđača „EuroproNET Bosnia“ d.o.o. Sarajevo od 22.08.2017. godine, kojom „Mreža d.o.o. daje saglasnost ponuđaču „EuroproNET Bosnia“ d.o.o. Sarajevo za korištenje optičke infrastrukture na lokaciji Mostar (memorandum ponuđača „EuroproNET Bosnia“ d.o.o. Sarajevo) i Potvrdu ponuđača „EuroproNET Bosnia“ d.o.o. Sarajevo od 22.08.2017. godine kojom „Telemach“ d.o.o. daje saglasnost ponuđaču „EuroproNET Bosnia“ d.o.o. Sarajevo za korištenje optičke infrastrukture na lokaciji Tuzla (memorandum ponuđača „EuroproNET Bosnia“ d.o.o. Sarajevo). Iz dostavljenih izjava utvrđeno je da „Elta-kabel“ d.o.o., „Mreža d.o.o. i „Telemach“ d.o.o. imaju tehničku mogućnost uspostave optičkog linka u okviru zadatog roka, a koju na ugovornoj osnovi ustupa na korištenje „EuroproNET Bosnia“ d.o.o. Sarajevo za potrebe pružanja usluge fiksne telefonije. Saglasnost se izdaje na osnovu „Ugovora o najmu i korištenju kapaciteta optičke infrastrukture“.

Obzirom na stručno i profesionalno mišljenje, Komisija je od strane Sektora za operativnu podršku aktom broj 16-12-16-4292/17 od 13.09.2017. godine, tražila dodatno mišljenje na akt ponuđača „EuroproNET Bosnia“ d.o.o. Sarajevo i Izjave lokalnih operatera („Elta-kabel“ d.o.o., „Mreža“ d.o.o. i „Telemach“ d.o.o.), te akt ponuđača „Blicnet“ d.o.o. Banja Luka. Sektor za operativnu podršku, Odsjek za informatiku, komunikacije i sigurnost informatičkih sistema aktom broj 16-10-16-4292/17 od 13.09.2017. godine, dostavio je Komisiji stručno mišljenje u kojem je navedeno da ponuđač „EuroproNET Bosnia“ d.o.o. Sarajevo ne planira koristiti optičku infrastrukturu provajdera („Mtel“ a.d. Banja Luka, HT Eronet d.d. Mostar i „BH Telecom“ d.d. Sarajevo), nego optičku infrastrukturu drugih provajdera („Elta-kabel“ d.o.o., „Mreža d.o.o. i „Telemach“ d.o.o.), a koji nemaju infrastrukturu u objektima Agencije, nego *imaju tehničku mogućnost uspostave navedene fizičke linije*. Dalje, navode da zbog ugrožavanja postojeće infrastrukture Agencija nije u mogućnosti dozvoliti prokopavanje i postavljanje nove optičke veze, te stoga smatraju da je obrazloženje ponuđača „EuroproNET Bosnia“ d.o.o. Sarajevo i ponuđača „Blicnet“ d.o.o. Banja Luka, u pogledu tehničkih uslova Tenderske dokumentacije kao takvo neprihvatljivo.

Imajuću u vidu naprijed navedeno, te stručno mišljenje Sektora za operativnu podršku, Odsjeka za informatiku, komunikacije i sigurnost informatičkih sistema, Komisija je utvrdila da ponuđači „Blicnet“ d.o.o. Banja Luka za LOT 3 i „EuroproNET Bosnia“ d.o.o. Sarajevo za LOT 1, LOT 2, LOT 3, LOT 4 i LOT 5, ne ispunjavaju tehničke uslove tačke 9. Tenderske dokumentacije. Komisija je utvrdila da ponuđač „EuroproNET Bosnia“ d.o.o. Sarajevo na lokacijama u sjedištu Agencije u Istočnom Sarajevu (ulica Nikole Tesle br. 59), van sjedišta Agencije u Istočnom Sarajevu (ulica Vojvode Radomira Putnika br. 108), u Banja Luci (ulica Vojvode Stepe Stepanovića bb), u Tuzli (ulica Mitra Trifunovića Uče br. 6) i u Mostaru (ulica Blajbuških žrtava bb), ne može obezbijediti fizičku liniju za pružanje usluga fiksne telefonije za potrebe Agencije. Naime, Komisija je utvrdila da isti planira koristiti optičku infrastrukturu lokalnih provajdera, koji nemaju infrastrukturu u našim objektima, a to su „Elta-kabel“ d.o.o., „Mreža“ d.o.o. i „Telemach“ d.o.o., nego imaju samo tehničku mogućnost uspostave *navedene fizičke linije* putem optičkog linka u okviru predviđenog roka, na osnovu Ugovora o najmu i korištenju kapaciteta optičke infrastrukture. Kada je u pitanju ponuda ponuđača „Blicnet“ d.o.o. Banja Luka, Komisija je takođe utvrdila da isti ne može obezbijediti fizičku liniju za pružanje usluga fiksne telefonije u Banja Luci (ulica Vojvode Stepe Stepanovića bb), obzirom na postojeću infrastrukturu. Dakle, Komisija je utvrdila da zbog postojeće infrastrukture, Agencija ne može dozvoliti prokopavanje i postavljanje nove optičke veze na naprijed navedenim lokacijama, te iz tog razloga Komisija ponude ponuđača „Blicnet“ d.o.o. Banja Luka i „EuroproNET Bosnia“ d.o.o. Sarajevo, nije dalje ni razmatrala ni vrednovala.

Komisija je utvrdila da ponuđači „Mtel“ a.d Banja Luka i „BH Telecom“ d.d. Sarajevo, ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Također, Komisija je utvrdila da ponuđači „Mtel“ a.d Banja Luka za LOT 1, LOT 2 i LOT 3 i BH Telecom“ d.d. Sarajevo za LOT 4 ispunjavaju formalno-pravne uslove postavljene u Tenderskoj dokumentaciji, odnosno imaju fizičku liniju na lokacijama na kojima su dostavili ponude.

Nakon pregledanja dokumentacije priložene uz dostavljene ponude, Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 21. Tenderske dokumentacije, te sačinila rang listu ocijenjenih ponuda, kako slijedi:

RB	LOT	Naziv ponuđača	Vrijednost ponude (bez PDV-a)
1.	LOT 1	„Mtel“ a.d Banja Luka	121.498,20 KM
2.	LOT 2	„Mtel“ a.d Banja Luka	12.063,60 KM
3.	LOT 3	„Mtel“ a.d Banja Luka	28.443,60 KM
4.	LOT 4	„BH Telecom“ d.d. Sarajevo	24.876,00 KM

Nakon provedenog postupka ocjenjivanja dostavljenih ponuda, uz uvažavanje stručnog mišljenja Sektora za operativnu podršku, Komisija je utvrdila da je ponuda ponuđača Mtel“ a.d. Banja Luka ocijenjena kao najpovoljnija ponuda za LOT 1, LOT 2 i LOT 3, dok je ponuda ponuđača „BH Telecom“ d.d. Sarajevo ocijenjena kao najpovoljnija ponuda za LOT 4, te da iste ne premašuju procijenjenu vrijednost javne nabavke za navedene lotove iz tačke I odluke.

Shodno navedenom, prihvaćen je prijedlog Komisije i odlučeno da se okvirni sporazum za period od tri godine za usluge fiksne telefonije za potrebe Agencije, dodijeli ponuđaču „Mtel“ a.d. Banja Luka za LOT 1, LOT 2 i LOT 3 i ponuđaču „BH Telecom“ d.d. Sarajevo za LOT 4, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 4x,
- Sektoru za mat.-fin. poslove,
- a/a.

